

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul. Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa direktorica Melisa Alibašić Hadžić (u daljem tekstu: Ugovorni organ)

2. **JAVNA USTANOVA „ZAVOD ZA JAVNO ZDRAVSTVO KANTONA SARAJEVO“**, ul. Mustafe Pintola br. 1., Ilidža-Sarajevo, registrovan kod Kantonalnog suda u Sarajevu pod brojem UF/I-1807/99 od 04.09.1999.god. (registarski broj subjekta upisa 3-15), identifikacijski broj kod Porezne uprave FBiH Kantonalni ured Sarajevo 4200329950003, koga zastupa Direktorica Aida Pilav, prof.dr.med.sci. (u daljem tekstu: Vršilac usluga),

Dana 28.07.2020.godine, zaključuju

**U G O V O R**  
**o kontinuiranom vršenju usluga**  
**kontrole zdravstvene ispravnosti uzoraka hrane, vode i radnih površina**

Član 1.

Vršilac usluga se obavezuje da za potrebe Ugovornog organa, u skladu sa svojom Ponudom broj: 05.13.109-4151/18 od 22.06.2018.godine, a prema zahtjevima Ugovornog organa, koji čine sastavni dio ovog Ugovora, kontinuirano, za period od dvije (2) godine, vrši usluge **kontrole zdravstvene ispravnosti uzoraka hrane, vode i radnih površina**:

1. Mikrobiološka kontrola ispravnosti namirnica i gotove hrane
2. Bakteriološki pregled brisa radnih površina, uređaja i dr. na higijensku ispravnost
3. Mikrobiološka analiza vode za piće
4. Mikrobiološka analiza vode iz gradske mreže i vode iz rezervi, koja se čuva u cisternama unutar objekta.

Član 2.

Vršilac usluga se obavezuje da će odmah po uzimanju uzoraka, sirovina, polupreradevina, gotovih jela, vode, briseva radnih površina, ruku zaposlenih i dr., izvršiti mikrobiološke i hemijske analize i pretrage istih, te izdati u pismenoj formi nalaze i mišljenja o stanju njihove zdravstvene i higijenske ispravnosti i proizvodnoj higijeni.

Vršilac usluga se obavezuje da će rezultate nalaza izvršenih analiza i pregleda, sa eventualnim prijedlogom mjera, izdavati u roku od 3 do 7 dana, od dana uzimanja uzoraka, zavisno o vrsti analize uzorka i higijenskog stanja ispitivanog uzorka.

Ukoliko nalaz ne odgovara propisima, tj. ako bude pozitivan, Vršilac usluga se obavezuje da će o tome odmah obavijestiti Ugovorni organ.

Član 3.

Vršilac usluga se obavezuje da usluge iz člana 1.ovog Ugovora obavlja u određenom vremenskom razdoblju, uzimanjem određenog broja uzoraka i to:

- mikrobiološku kontrolu ispravnosti namirnica i gotove hrane – svakih 10 dana po 1 uzorak, tri uzorka mjesečno,
- bakteriološki pregled brisa radnih površina, uređaja i dr. na higijensku ispravnost – svakih 10 dana po 1 uzorak, tri uzorka mjesečno,
- mikrobiološku analizu vode za piće – jednom godišnje, jedan uzorak,
- mikrobiološku analizu vode iz gradske mreže i vode iz rezervi, koja se čuva u cisternama unutar objekta – jednom godišnje, jedan uzorak.

Član 4.

Cijena mikrobiološke kontrole ispravnosti namirnica i gotove hrane sa odobrenim popustom iznosi 28,80 KM po jednom uzorku, što za 36 uzoraka u toku jedne godine iznosi ukupno 1.036,80 KM, odnosno 2.073,60 KM za period od 2 (dvije) godine.

Cijena bakteriološke kontrole brisa površina, uređaja i dr. na higijensku ispravnost sa odobrenim popustom iznosi 9,90 KM po jednom uzorku, što za 36 uzoraka u toku jedne godine iznosi ukupno 356,40 KM, odnosno 712,80 KM za period od 2 (dvije) godine.

Cijena mikrobiološke analize vode za piće po jednom uzorku i ukupno za jednu godinu iznosi 25,00 KM, odnosno 50,00 KM za period od 2 (dvije) godine.

Cijena mikrobiološke analize vode iz gradske mreže i vode iz rezervi, koja se čuva u cisternama unutar objekta po jednom uzorku i ukupno za jednu godinu iznosi 40,00 KM, odnosno 80,00 KM za period od 2 (dvije) godine.

Ukupna vrijednost ugovorenih usluga za period od 2 (dvije) godine iznosi **2.916,40 KM**.

#### Član 5.

Ugovorne strane su saglasne da u periodu važenja ovog Ugovora cijene usluga precizirane u članu 4. ostaju nepromijenjene.

#### Član 6.

Osnov za plaćanje izvršenih usluga jesu fakture/računi koje Vršilac usluga dostavlja Ugovornom organu za uredno izvršene usluge.

Ugovorne strane su saglasne da se fakturisanje i plaćanje ugovorenih usluga vrši zbirno mjesečno za sve usluge izvršene u toku jednog kalendarskog mjeseca.

Ugovorni organ se obavezuje da će plaćanje fakturisanih ugovorenih usluga vršiti u roku od 30 dana od dana prijema fakture, putem transakcijskog računa Vršioca usluga broj: 3389002208131096, otvoren kod UniCredit bank d.d. Sarajevo.

Plaćanje će se vršiti u KM.

Za svako kašnjenje u plaćanju Ugovorni organ se obavezuje da Vršiocu usluga pored glavnice, bez bilo kakve daljnje opomene, plati zakonske kamate za kašnjenje, u visini stope zatezne kamate propisane zakonom.

Ukoliko Ugovorni organ zakasni sa plaćanjem, Dobavljač ima pravo, bez ikakve daljnje opomene, na posebnu naknadu u iznosu 100,00 KM.

#### Član 7.

Ugovorne strane su saglasne da se na recepciji Ugovornog organa vodi knjiga izvršenih usluga i intervencija, u koju će neposredni izvršilac usluge i predstavnik Ugovornog organa upisivati podatke o izvršenim uslugama i intervencijama.

#### Član 8.

Ugovorni organ se obavezuje da stručnim zaposlenicima Vršioca usluga omogući nesmetano obavljanje poslova, te da imenuje ovlašteno lice koje će zajedno sa stručnim osobljem Vršioca usluga utvrđivati vrijeme i izdavati narudžbu o vrsti i količini poslova.

#### Član 9.

Vršilac usluga se obavezuje da će ugovorene usluge izvršiti naredni dan po prijemu naloga-narudžbe od strane Ugovornog organa.

#### Član 10.

Ukoliko u toku izvršenja ovog Ugovora nastupe okolnosti koje se u vrijeme zaključenja nisu mogle predvidjeti, a koje utiču na njegovo blagovremeno izvršenje, ugovorne strane će preispitati te okolnosti i sporazumno utvrditi novi rok za završetak ugovorenih obaveza.

Vršilac usluga je dužan da o nastalim nepredviđenim okolnostima zbog kojih je ometen u izvršenju Ugovora odmah pismeno obavijesti Ugovorni organ.

#### Član 11.

Ovaj Ugovor se zaključuje na period od **dvije (2) godine**, a primjenjuje se od dana obostranog potpisivanja.

Član 12.

Ovaj Ugovor se može raskinuti pismenim putem i prije njegovog isteka ukoliko se jedna od ugovornih strana ne bude pridržavala odredaba istog, uz predhodno izmirenje svih obaveza nastalih po osnovu Ugovora.

Član 13.

Otkazni rok po ovom Ugovoru je 30 dana, od dana prijema pismenog obavještenja o otkazu Ugovora, a po isteku ovog roka, Ugovor se smatra raskinutim.

Član 14.

Ugovorne strane se obavezuju na pridržavanje zakonskih propisa, čuvanja poslovne tajnosti i pridržavanja poslovnih običaja.

Izmjene i dopune ovog Ugovora mogu se vršiti u pismenoj formi, uz saglasnost ugovornih strana.

Član 15.

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je sud u Sarajevu.

Član 16.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

VRŠILAC USLUGA

*la Teruha*

Broj: 05-14-110-1/20-110-110

Datum: 03.08.2020.



UGOVORNI ORGAN

Broj: 14-1054-1/20

Datum: 28.07.2020.godine

